

151

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspeksijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-05-00039/19
Sarajevo, Januar 17. 2019. godine

Bosna i Hercegovina
Federacija Bosne i Hercegovine
KANTON SARAJEVO

PRIMLJENO: 22-01-2019			
Organizaciona jedinica	Klasifikaciona oznaka	Godina i mjesec	Broj prijema
01/05	39559-17/18		

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
SARAJEVO

n/r, predsjedavajućeg, gosp. Elmedina Konakovića

Predmet: Odgovor na zastupničko pitanje broj: 01-05-39559-17/18 od 28.12.2018. godine, postavljeno od strane zastupnice Segmedine Srne Bajramović - dostavlja se

Zastupnica Segmedina Srna Bajramović na Drugoj radnoj sjednici Skupštine Kantona Sarajevo, održanoj dana 26.12.2018. godine u okviru tačke Dnevnog reda "Poslanička /zastupnička pitanja, inicijative i odgovori, a u skladu sa Poslovníkom Skupštine Kantona Sarajevo postavila je zastupničko pitanje koje glasi:

" Molim Vas da me izvjestite o konkursu akt broj:11-04-38-20614/18 kojim je Vlada Kantona Sarajevo 20.septembra odobrila upošljavanje 58 zaposlenika u Centru "Vladimir Nator" čijim će se angažmanom zadovoljiti kadrovski i prostorni kapaciteti za rad s djecom za koje su njihovi roditelji predali zahtjev za ranu intervenciju."

Moja pitanja u vezi pomenutog konkursa su:

1. Budući da konkurs mora biti u skladu sa Pravilnikom za prijem zaposlenika u radni odnos u predškolskim ustanovama, osnovnim i srednjim školama kao javnim ustanovama na



web: <http://kuip.ks.gov.ba>, mail: kuip@kuip.ks.gov.ba
Tel: + 387 (0) 33 770-100 (centrala)
+ 387 (0) 33 569-870 (direktor)
Fax: + 387 (0) 33 770-151, + 387 (0) 33 569-890
Sarajevo, Aleja Bosne Srebrene bb

području Kantona Sarajevo ("Sl.novine Kantona Sarajevo" broj 35/17). Kao jedan od preduslova za raspisivanje javnog konkursa propisano je da su "osigurana sredstva u Budžetu Kantona Sarajevo i pribavljena prethodna saglasnost Vlade Kantona Sarajevo ukoliko se radi o novom radnom mjestu utvrđenom Nastavnim planom i programom i Pedagoškim standardima i normativima." Da li su za ove pozicije osigurana sredstva u budžetu Kantona Sarajevo za 2018. godinu, ako nisu zašto nisu?

2. Šta je do sada uradila interesorna grupa za sistemsko rješavanje pitanja programskih, prostornih i kadrovskih rješenja za djecu s poteškoćama u razvoju u specijalnim javnim ustanovama u Kantonu Sarajevo? Koliko puta su se sastajali ? Koliko je javnih sredstava potrošeno za interesornu grupu? Ko čini interesornu grupu?

Molim usmeni odgovor ministra, te molim Kantonalnu upravu za inspekcijske poslove da na osnovu člana 17. stav (3) Pravilnika za prijem zaposlenika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo ("Sl.novine Kantona Sarajevo" broj 35/17) izvrši inspekcijski nadzor nad sprovedenim konkursom i utvrdi zakonitost istog, uz molbu ću priložiti dopise koje smo dobili od EDUS-a i zabrinutih roditelja u kojima se detaljnije obrazlaže pomenuti problem."

U vezi s dostavljenim pitanjem, dajemo slijedeći

ODGOVOR :

1.Inspekcijski nadzor u JU Centar za odgoj, obrazovanje i rehabilitaciju " Vladimir Nazor" Sarajevo, izvršen po zahtjevu NN lica dana 17.12.2018. godine o čemu je sastavljen zapisnik broj UP-1-14-09-34-24466/18 od strane inspektora rada Seferović Narcise. Tom prilikom je utvrđeno da je predmetni konkurs objavljen prije nego je ustanova zaprimila saglasnost resornog ministarstva, zbog čega je prema ustanovi djelovano upravnom mjerom - rješenjem o upozorenju.

Naime, predmetni konkurs objavljen je dana 07.11.2018. godine u dnevnom listu "Oslobođenje", a saglasnost Ministarstva za obrazovanje, nauku i mlade Kantona Sarajevo ustanova je zaprimila dana 14.11.2018. godine, iz čega proizlazi da je predmetni konkurs objavljen prije nego je ustanova zaprimila saglasnost resornog ministarstva, te je na ovaj način postupljeno protivno odredbama Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo (Sl. novine Kantona Sarajevo broj 35/17) i to člana 3. stav (4) kojim je propisano da ustanove mogu raspisati javni konkurs za prijem radnika tek nakog prethodno pribavljene saglasnosti ministra za obrazovanje, nauku i mlade Kantona Sarajevo.

2.Inspekcijski nadzor po zahtjevu Advokatskog društva Sudžuka & Co. d.o.o. Sarajevo kao punomoćnika roditelja čija su djeca polaznici programa EDUS u okviru JU Centar za odgoj, obrazovanje i rehabilitaciju " Vladimir Nazor" izvršen je dana 28.12.2018. godine o čemu je sastavljen zapisnik broj: UP-1-14-09-34-24950/18 od strane inspektora rada Hafizović Mirona.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

U zahtjevu za vršenje inspekcijuskog nadzora je navedeno da je Okvirni sporazum zaključen između JU Centar za odgoj, obrazovanje i rehabilitaciju "Vladimir Nazor" i Udruženja za unaprijeđenje, obrazovanja i podrške djeci sa i bez poteškoća u razvoju "Edukacija za sve" obuhvatao obavezu konsultacije sa pomenutim udruženjem u pogledu raspisivanja konkursa za prijem u radni odnos 58 radnika na neodređeno vrijeme.

Konsultacija se konkretno odnosila na "obezbjediti stručnost osoblja, kao i organizirati proces odabira istog za realizaciju zajedničkih aktivnosti i saradnje potpisnica sporazuma". S tim u vezi inspekcijuski nadzor je zahtjevan u dijelu provođenja konkursne procedure bez konsultacije sa Udruženjem Edus-"Edukacija za sve".

Inspekcijuskim nadzorom izvršenim u predmetnoj školi je utvrđeno da je osnov za objavu predmetnog konkursa Zaključak Vlade Kantona Sarajevo broj 02-05-33952-10/18 od 04.10.2018. godine, kojim je data saglasnost za popunjavanje 9 radnih mjesta sa 58 izvršilaca.

Na osnovu zaključka Vlade Kantona Sarajevo predmetna škola je dobila saglasnost Ministarstva za obrazovanje, nauku i mlade Kantona Sarajevo broj: 11-34-27750-53-1/18 od 23.10.2018 godine. Obzirom da je konkurs objavljen na osnovu Zaključka Vlade KS i Saglasnosti resornog ministarstva, a da je u konkretnom zahtjevu za inspekcijuski nadzor istaknuto neizvršavanje ugovornih obaveza iz zaključenog Okvirnog sporazuma između JU Centar Vladimir Nazor i Udruženja "Edukacija za sve" inspektor rada je obavijestio punomoćnika podnosioca prijave da je za neizvršavanje prava i obaveza iz ugovornog odnosa u isključivoj nadležnosti suda.

3. Inspekcijuski nadzor izvršen je po prijavi Husić Gordane, kandidatkinje na objavljeni konkurs, dana 08.01.2019. godine o čemu je sastavljen zapisnik broj: UP-1-14-09-34-25786/18 od strane inspektora rada Hafizović Mirona. Tom prilikom je utvrđeno da tokom provođenja konkursne procedure za radno mjesto pod rednim brojem 8 - spremačica, poslodavac nije bodovao kandidate koji su za predmetno radno mjesto dostavili dokaz o stečenoj srednjoj stručnoj spremi smatrajući dokumentaciju kandidata nepotpunom, a što obrazlaže činjenicom da je kao uslov u pogledu stručne spreme za navedeno radno mjesto navedena osnomoćujuća škola.

Obzirom da u obrazovanom sistemu u Kantonu Sarajevo nikada nije bilo moguće upisati se na viši stepen obrazovanja prije uspješnog okončanja prethodnog nivoa obrazovanja, to je inspektor rada prema poslodavcu djelovao izdavanjem rješenja kojim se nalaže poslodavcu da u roku od 15 dana od dana prijema rješenja otkloni nedostatke na način da dokumentaciju kandidata koji su dostavili diplome o završenom srednjem obrazovanju, smatraju validnom dokumentacijom u kontekstu ispunjavanja uslova stručne spreme predviđenih za navedeno radno mjesto. U toku je rok za izvršenje rješenja.

4. Inspekcijuski nadzor izvršen po prijavi Merise Međedović, kandidatkinje u konkursnoj proceduri za radno mjesto medicinske sestre- pedijatrijskog smjera, dana 08.01.2019. godine o čemu je sastavljen zapisnik broj: UP-1-14-09-34-25562/18 od strane inspektora rada Hafizović Mirona.

U inspekcijuskom nadzoru je utvrđeno da prijava imenovane kandidatkinje nije uzeta u obzir iz razloga što ista nije svojeručno potpisana, a kako je to definisano članom 11. stav (2). tačka a.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo (Sl. novine Kantona Sarajevo broj 35/17), te da se imenovane ne nalazi na rang listama drugih radnih mjesta za koja je konkurisala, a kako je to imenovana istakla u prijavi. Prijava je od strane inspektora rada ocjenjena kao neosnovana.

5. Inspeksijski nadzor izvršen po zahtjevu premijera Vlade KS dana 09.01.2019. godine o čemu je sastavljen zapisnik broj: UP-1-14-09-34-00520/19 od strane inspektora rada Hujić Dženana, na okolnosti sadržaja i objave konkursa za prijem u radni odnosu ukupno 58 zaposlenika na neodređeno vrijeme, utvrđeno je sljedeće:

Navedena ustanova je dotavila Ministarstvu za obrazovanje, nauku i mlade Kantona Sarajevo potrebe za predškolski odgoj za školsku 2018/19. školsku godine za ukupno 59 radnika. Vlada Kantona Sarajevo je donijela Zaključak broj: 02-05-33952-10/18 od 04.10.2018.godine kojim se daje saglasnost navedenoj ustanovi za popunjavanje devet radnih mjesta sa 58 izvršilaca za koja su potrebna dodatna finansijska sredstva iz Budžeta Kantona Sarajevo, a Ministarstvo za obrazovanje, nauku i mlade Kantona Sarajevo aktom broj 11-34-27750-53-1/18 od 23.10.2018. godine, dalo je saglasnost za raspisivanje javnog konkursa za popunu upražnjenih radnih mjesta u školskoj 2018/19.godini.

Predmetni konkurs je objavljen u dnevnom listu Oslobođenje dana 07.11.2018.godine. Uvidom u tekst konkursa, te usporedbom sa važećom sistematizacijom kao dijelom Pravilnika o radu ustanove, inspektor rada je utvrdio da objavljeni konkurs u dijelu koji se odnosi na uvjete koje kandidati moraju ispunjavati nisu usklađeni sa važećom sistematizacijom.

Neusklađenost konkursa se primarno ogleda u sljedećem:

- na poziciji 3. konkursa navedeno je radno mjesto asistent-medicinska sestra i uvjeti visoka, viša ili srednja škola, iako sistematizacija normira isključivo srednju medicinsku školu pedijatrijskog smjera;
- na poziciji 4. konkursa navedeno je radno mjesto asistent-fizioterapeutski tehničar, iako navedeno radno mjesto nije sistematizovano u internom aktu poslodavca - sistematizaciji radnih mjesta;
- na poziciji 6. konkursa navedeno je radno mjesto pedagog/psiholog, iako se radi o dva sasvim različita radna mjesta kako to normira i važeća sistematizacija;
- na poziciji 7. konkursa je navedeno radno mjesto domara i navedeni uvjeti VKV ili KV mašinske, elektro, građevinske ili drvne struke, iako sistematizacija propisuje uvjete VK ili KV za zanimanje stolara, bravar, moler i elektro-smjer;
- na poziciji 9. konkursa je navedeno radno mjesto portira i uvjeti III ili IV stepen stručne spreme, te da prednost imaju kandidati koji imaju potvrdu PP zaštite i zaštite imovine i lica, a važeća sistematizacija za portira pored stepena stručne spreme propisuje i položen stručni ispit što je neophodan uvjet navedenog radnog mjesta, a ne prednost za popunjavanje radnog mjesta kako je navedeno u konkursu.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Lice prisutno inspekcijskom nadzoru je istakla da poslodavac nije resornom ministarstvu iskazao potrebu za radno mjesto asistent-fizioterapeutski tehničar, odnosno iskazana je potreba za 10 asistenata medicinskih sestara, a resorno ministarstvo je dalo saglasnost za devet medicinskih sestara i jednog fizioterapeutskog tehničara.(mimo postavljenog zahtjeva ustanove)


Obzirom da je zapisnikom utvrđeno činjenično stanje koje ukazuje na propuste u pogledu objavljivanja konkursa za popunjavanje radnih mjesta inspektor rada je prema ustanovi djelovao izdavanjem rješenja kojim se nalaže poslodavcu da otkloni nedostatke u konkursu za popunjavanje radnih mjesta objavljenom u dnevnom listu "Oslobodenje" dana 07.11.2018.godine i to na način da sadržaj konkursa u cijelosti uskladi sa odredbama Pravilnika o radu odnosno sistematizacijom radnih mjesta i to u roku od 15 dana od dana prijema rješenja.

U toku je rok za izvršenje rješenja.

Na kraju ističemo da je ovaj Inspektorat do dana sačinjavanja ove informacije zaprimio još četiri zahtjeva za vršenje inspekcijskog nadzora koje se odnose na ovaj konkurs, a koje nisu obrađene od strane inspektora rada.

Dostaviti:

1. Predsjedavajući Skupštine KS
2. Sekretaru Skupštine KS
3. Sekretaru Vlade KS
4. Evidencija
5. Arhiva



DIREKTOR

FURKIFILIPHOVIC



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

